



## 食雜

有人講煮飯難，係試著買菜還較難，若係有人菜買便便分係煮，該斯簡單多咧。見擺去市場，從頭到尾行透透，一隻菜籃還係張無兩項菜，毋係這種菜毋好(hauˊ)食，斯係該種菜食懶咧，愛顧著一屋人个食雜，實在無恁該(goiˊ)！

其實係細細時節乜無幾好(hoˊ)供，除了高麗菜以外，麼个青菜斯毋肯食，見看著飯桌頂無中意食个菜，斯嘴嘟鼻翹、張張掣掣毋肯去張飯。因為屋下開雜貨店盡方便，係爸斯會喊係姆去拿幾隻卵來煎，無斯開罐三文魚分係傍，係姆一頭去準備，一頭嘍嘍嘍嘍講：「係麼儕算个命，命恁靚！」雖然恁樣講，最尾還係加菜咧。在該生活無豐湧个時代，係長下恁樣三擇四擇，毋過爺哀總係滿足係，到離開爺哀身邊咧，正感受著爺哀惜子个心！

等到做人心白，自家好食麼个無重要咧，最先愛顧著个係家娘、家官个食雜習慣，正知家官毋食洋菇。聽佢講因為頭擺人較苦，堵好莊肚有人來開間罐頭工廠，大家斯相爭種洋菇賣分工廠做罐頭外銷，好賺兜錢來相添所費。種洋菇毋單淨愛熬更守夜，略略仔有所爭个洋菇頭家斯毋肯收，分工廠打下來个洋菇摺切下來个洋菇腳，驚怕打爽斯留下來自家食，逐日食都食毋去，斯恁樣分洋菇毒著咧，看著洋菇斯驚，哪還敢食！家娘無共樣，佢毋食番薯，係家官買番薯轉來喊係擡落飯竇肚共下煮，佢添飯个時節斯會摺番薯搥開，一坵斯毋食，還怪怨家官講：「食毋會畏係無！頭擺一鑊飯，番薯比米較多，看著番薯斯想起該段苦日仔，膝頭斯會出目汁哦！」好命个係，斯知講這種菜毋好(hoˊ)食，所以係毋好(hauˊ)食，哪知有人个食雜裡肚园等恁多生活个心酸！

這下个細人仔斯命靚咧，毋單淨愛食著好，還愛食著巧。飯桌頂个菜長下三擇四擇，講麼个苦瓜恁苦毋食；青椒、韭菜有轟毋食；蕓仔係鵝仔食个毋食；番薯葉係豬仔食个毋食，有个嫌三層肉袒肥毋食；有个講瘦肉袒澀毋食。這毋食、該毋食，難為係這隻做阿姆个，無法度，這下係細人仔當家个新時代啊！

係對做人子女到做人心白，又到做人哀仔，一路行來，正體會著看起來簡簡單單个食雜，裡背园等無幾簡單个人生滋味啊！

作者：張美容

### ☆詞彙學習☆

【買便便】maiˊ pienˊ pienˊ：買好了。

【有所爭】rhiuˊ soˊ zangˊ：有問題。

【食懶咧】shidˊ nanˊ leˊ：吃怕了。

【食毋去】shidˊ m hiˊ：吃不完。

【食雜】shidˊ cabˊ：飲食。

【毒著】teuˊ doˊ：此處指吃膩不敢再吃。

【嘴嘟鼻翹】zhoiˊ du piˊ kiauˊ：嘟嘴歪鼻，不高興的樣子。

【擡落】ed logˊ：放入。

【張張掣掣】diongˊ diongˊ chad chad：耍脾氣、使性子。

【搥開】boiˊ koiˊ：推開、撥開。